

**BOSNA I HERCEGOVINA  
FEDERACIJA BIH  
KANTON SARAJEVO**

**JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo  
Azize Šaćirbegović 80  
71000 Sarajevo**

Na osnovu člana 108., a u vezi sa članom 109. stav (2) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ broj: 27/24), člana 7. Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18) i Odluke Školskog odbora JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo broj: 01-1-44/25 od 13.01.2025.godine, Školski odbor JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo *r a s p i s u j e*

**J A V N I K O N K U R S**

**za izbor direktora**

**JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo**

Javni konkurs za izbor direktora JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo raspisuje se na mandatni period od četiri (4) godine.

**I UVJETI ZA IZBOR**

Kandidat za direktora dužan je ispunjavati sljedeće uvjete:

**1.1. Opći uvjeti:**

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na javni konkurs;
- b) da se na kandidata ne odnosi odredba člana IX 1. Ustava Bosne i Hercegovine;
- c) da nije osuđivan za krivično djelo i za privredni prestup nespojiv sa obavljanjem dužnosti direktora škole;
- d) da nema privatni finansijski interes u JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo.
- e) da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji BiH („Službene novine Federacije BiH“ broj: 70/08) Zakonom o ministarskim, vladinim i drugim imenovanjima Federacije BiH (Službene novine Federacije BiH “broj: 12/03, 34/03 i 65/13) i Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22, 44/22-Ispravka i 52/22-Ispravka).

**1.2. Posebni uvjeti:**

- a) da u pogledu stručne spreme ispunjava uvjete za nastavnika ili pedagoga škole u koju konkuriše;
  - b) da ima najmanje 8 (osam) godina radnog iskustva i od toga najmanje 5 (pet) godina na poslovima u nastavi ili na pedagoško-psihološkim poslovima u stepenu stručne spreme koja se traži za to radno mjesto;
  - c) da ima najmanje VII stepen stručne spreme, odnosno završen najmanje II ciklus bolonjskog visokoobrazovnog procesa;
  - d) da ima najmanje stečeno stručno zvanje mentor.
- Potrebno radno iskustvo u školi porazumijeva rad u nastavi sa VII stepenom stručne spreme, odnosno završenim najmanje II ciklusom bolonjskog visokoobrazovnog procesa.

**Za direktora ne može biti imenovano:**

- a) lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine, Zakona o ministarskim, vladinim i drugim imenovanjima Federacije Bosne i Hercegovine;
- b) lice za koje se odgovarajućom medicinskom procedurom utvrdi da je alkoholičar, odnosno ovisnik o narkoticima;
- c) lice za koje se odgovarajućom medicinskom procedurom utvrdi da boluje od zarazne ili duševne bolesti;
- d) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri ili više mjeseci.

**II SADRŽAJ PRIJAVE**

Uz prijavu na konkurs, kandidati su dužni dostaviti original ili ovjerene kopije sljedeće dokumentacije:

- 1) Svojeručno potpisanu prijavu na konkurs, sa kontakt podacima (adresa stanovanja, broj telefona, e-mail adresa) i tačno navedenom dokumentacijom koja se prilaže uz prijavu na javni konkurs;
- 2) Biografiju;
- 3) Izvod iz matične knjige rođenih;
- 4) Uvjerenje o državljanstvu (ne starije od 6 mjeseci);
- 5) Diplomu o stečenoj stručnoj spremi;
- 6) Uvjerenje o položenom stručnom ispitu;
- 7) Rješenje o sticanju stručnog zvanja (najmanje zvanje mentor);
- 8) Dokaz o radnom iskustvu (najmanje osam (8) godina radnog iskustva i od toga najmanje pet (5) godina na poslovima u nastavi ili na pedagoško –psihološkim poslovima u stepenu stručne spreme koja se traži za to radno mjesto), a koje podrazumijeva rad u nastavi sa VII stepenom stručne spreme, odnosno završenim II ciklusom bolonjskog visokoobrazovnog procesa) – (uvjerenje sa šifrom zanimanja koje izdaje Fond za penzijsko-invalidsko osiguranje);
- 9) Dokaz da protiv kandidata koji konkuriše nije potvrđena optužnica ili izrečena pravosnažna presuda ili mjera za jedno ili više krivičnih djela za koje se odredbama važećeg Krivičnog zakona u Federaciji Bosne i Hercegovine može izreći kazna zatvora u trajanju od 3 mjeseca i više, ne starije od 3 mjeseca (izdaje nadležni sud);
- 10) Potpisana i ovjerena izjava od strane nadležne Općinske službe kojom kandidat potvrđuje slijedeće:
  - a) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od tri godine od dana prijavljivanja na konkurs;
  - b) da se na kandidata ne odnosi član IX.1. Ustava Bosne i Hercegovine;
  - c) da nije osuđivan za krivično djelo i za privredni prestup nespojiv sa obavljanjem dužnosti direktora;
  - d) da nema privatni finansijski interes u JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo;
  - e) da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine i Zakonom o ministarskim vladinim i drugim imenovanjima u Federaciji Bosne i Hercegovine;
- 11) Pisani razvojni plan i program JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo.

Kriteriji, procedure, uvjeti, način izbora i imenovanja direktora po ovom Javnom konkursu utvrđeni su odredbama Pravilnika o izboru, kriterijima za izbor, nadležnostima i radu direktora srednjih škola (“Službene novine Kantona Sarajevo” broj: 46/18).

Direktora imenuje Školski odbor uz saglasnost Vlade Kantona Sarajevo, na period od 4 (četiri) godine sa mogućnošću ponovnog izbora, uz ograničenje od najviše dva uzastopna mandata u istoj školi.

### **III DOSTAVA PRIJAVE I DOKAZA O ISPUNJENOSTI UVJETA**

Prijavu sa dokazima kandidati dostavljaju putem pošte prepuručeno na adresu: JU ŠKOLA ZA SREDNJE STRUČNO OBRAZOVANJE I RADNO OSPOSOBLJAVANJE Sarajevo, ulica Azize Šaćirbegović 80, 71000 Sarajevo, ili lično na protokol škole sa naznakom „Prijava na javni konkurs za izbor direktora –NE OTVARAJ (Otvara Školski odbor)“.

### **IV NAČIN I ROK OBAVJEŠTAVANJA**

O rezultatima konkursa kandidati će biti obaviješteni nakon provedenog postupka imenovanja, pisano, putem pošte, na adresu navedenu u prijavi, u roku od 8 (osam) dana od dana donošenja odluke.

### **V KONKURSNI ROK**

Konkurs ostaje otvoren petnaest (15) dana od dana objavljivanja u dnevnim novinama i na službenoj web stranici Ministarstva za odgoj i obrazovanje Kantona Sarajevo.

Javni konkurs će biti objavljen u dnevnom listu “Oslobođenje” dana 15.01.2025. godine i na web stranici Ministarstva za odgoj i obrazovanje Kantona Sarajevo i ostaje otvoren do 30.01.2025. godine.

### **NAPOMENA:**

Nepotpune, neblagovremene i neuredne prijave neće se uzimati u razmatranje. Kandidat koji bude izabran, dužan je prije preuzimanja dužnosti dostaviti uvjerenje o zdravstvenoj sposobnosti izdato od nadležne zdravstvene ustanove, a koje nije starije od šest (6 mjeseci) kao i ovjerenu izjavu kod nadležnog organa da ispunjava uvjete utvrđene članom 109. stav (11) Zakona o odgoju i obrazovanju u osnovnoj i srednjoj školi u Kantonu Sarajevo (“Službene novine Kantona Sarajevo” broj: 27/24) po izboru, a prije imenovanja na funkciju direktora ove škole.

Terminološko korištenje muškog ili ženskog roda u ovom konkursu podrazumijeva uključivanje oba roda.